

藥師如來本願功德經序

惟一

藥師如來本願經者致福消災之要法也曼殊以慈悲之力請說尊号如來以利物之心盛陳功業十二大願彰因行之弘遠七寶莊嚴顯果德之純淨憶念稱名則衆苦成脫祈請供養則諸願皆滿至於病士求救應死更生王者攘災轉禍爲福信是消百恠之神符除九橫之妙術矣昔宋孝武之世鹿野寺沙門慧簡已曾譯出在世流行但以梵宋不融文辭雜糅致令轉讀之輩多生疑惑矩早學梵書恒披葉典思遇此經驗其紕繆開皇十七年初獲一本猶恐脫誤未敢即翻至大業十一年復得二本更相讎比方爲措定遂與三藏法師達磨笈多并大隋翻經沙門法行明則長順海馭等於東都洛水南上林園翻經館重譯此本深鑑前非方愆後失故一言出口必三覆乃書傳度幽旨差無大過其年十二月八日翻勘方了仍爲一卷所願此經

深義人人共解彼佛名号處處徧聞十二夜  
义念佛恩而護國七千眷屬承經力以利民  
帝祚遐永羣生安樂式貽來世序之云爾  
佛說藥師如來本願經

隋天竺三藏法師達磨笈多譯

如是我聞一時婆伽婆遊行人間至毗舍離  
國住音樂樹下與大比丘衆八千人俱菩薩  
三萬六千國王大臣婆羅門居士天龍阿脩  
羅捷達婆伽樓荼緊那羅摩呼羅伽等大衆  
圍繞於前說法

尔時曼殊室利法王子承佛威神即從座起  
偏露一膊右膝着地向婆伽婆合掌曲躬白  
言世尊惟願演說諸佛名号及本昔所發殊  
勝大願令衆生聞已業障消除攝受來世止  
法壞時諸衆生故  
尔時婆伽婆讚曼殊室利童子言善哉善哉  
曼殊室利大慈悲者起無量悲勸請我說爲  
欲義利種種業障所纏衆生饒益安樂諸天

人故曼殊室利當善憶念聽我所說時曼殊室利童子樂聽佛說白言唯然世尊佛告曼殊室利東方過此佛土十恒河沙等佛土之外有世界名淨琉璃彼土有佛名藥師琉璃光如來應正遍知明行足善逝世間解無上士調御丈夫天人師佛世尊曼殊室利彼世

尊藥師琉璃光如來本行菩薩行時發十二大願何者十二

第一大願願我來世於佛菩提得正覺時自身光明熾然照耀無量無數無邊世界三十二大丈夫相及八十小好以為莊嚴我身既令一切衆生如我無異

第二大願願我來世得菩提時身如琉璃內外清淨無復瑕垢光明曠大威德熾然身善安住談網莊嚴過於日月若有衆生生世界之間或復人中昏闇及夜莫知方所以我光故隨意所趣作諸事業

第三大願願我來世得菩提時以無邊無限

智慧方便令無量衆生界受用無盡莫令一人有所少乏

第四大願願我來世得菩提時諸有衆生行異道者一切安立菩提道中行聲聞道行辟支佛道者皆以大乘而安立之

第五大願願我來世得菩提時若有衆生於我法中修行梵行此諸衆生無量無邊一切皆得不缺減戒具三聚戒無有破戒起惡道者

第六大願願我來世得菩提時若有衆生其身下劣諸根不具醜陋頑愚聾盲跛躄身攣背偃白癩癩狂若復有餘種種身病聞我名已一切皆得諸根具足身分成滿

第七大願願我來世得菩提時若有衆生諸患逼切無護無依無有住處遠離一切資生醫藥又無親屬貧窮可愍此人若得聞我名号衆患悉除無諸痛惱乃至究竟無上菩提第八大願願我來世得菩提時若有女人為婦人百惡所逼惱故厭離女身願捨女形聞

我名已轉女人身成丈夫相乃至究竟無上菩提  
第九大願願我來世得菩提時令一切眾生  
解脫魔網若隨種種異見稠林悉當安立置  
於正見次第示以菩薩行門

第十大願願我來世得菩提時若有眾生種  
種王法繫縛鞭撻牢獄應死無量災難悲憂

煎迫身心受苦此等眾生以我福力皆得解  
脫一切苦惱

十一大願願我來世得菩提時若有眾生飢  
火燒身為求食故作諸惡業我於彼所先以  
寂妙色香味食飽足其身後以法味畢竟安  
樂而建立之

十二大願願我來世得菩提時若有眾生貧  
無衣服寒熱蚊蚋日夜逼惱我當施彼隨用  
衣服種種雜色如其所好亦以一切寶莊嚴  
具華鬘塗香鼓樂眾妓隨諸眾生所須之具  
皆令滿足此十二大願是彼世尊藥師琉璃  
光如來應正遍知行菩薩時本昔所作

復吹曼殊室利藥師琉璃光如來所有諸願  
及彼佛土功德莊嚴乃至窮劫說不可盡彼  
佛國土一向清淨無女人形離諸欲惡亦無  
一切惡道苦聲琉璃為地城闕垣墻門窻堂  
閣柱架斗拱周匝羅網皆七寶成如極樂國  
淨琉璃界莊嚴如是於其國中有二菩薩摩

訶薩一名日光二名月光於彼無量無數諸  
菩薩眾最為上首持彼世尊藥師琉璃光如  
來正法之藏是故曼殊室利信心善男子善  
女人應當願生彼佛國土

今時世尊復告曼殊室利童子言曼殊室利  
或有眾生不識善惡多貪無厭不知布施及  
施果報愚癡無智關於信根聚財護惜不欲

分施此等眾生無施心故見乞者來其心不  
喜如割身肉復有無量慳貪眾生自不受用  
亦不欲與父母妻子况奴婢作使及餘乞人  
此等眾生人間命終生餓鬼道或畜生道由  
昔人間曾得聞彼藥師琉璃光如來名号故

或在鬼道或畜生道如來名号暫得現前即於念時彼處命終還生人道得宿命智怖畏惡趣不樂欲樂好行惠施讚歎施者一切所有悉能捨施漸以頭目手足血肉身分皆與求者況餘財物

復次曼殊室利有諸衆生雖奉如來受持學句然破戒破行破於正見或受學句護持禁戒然不求多聞不解如來所說修多羅中甚深之義或復多聞而增上慢自是非他嫌謗正法爲魔伴黨此等癡人及餘無量百千俱知那由他衆生行邪道者當墮地獄此等衆生應於地獄流轉無期以得聞彼世尊藥師琉璃光如來名号故於地獄處被佛威力如來名号暫得現前即時捨命還生人道正見精進淳善淨心便能捨家於如來教中出家學道漸次修行菩薩諸行

復次曼殊室利或有衆生以妬忌故但自稱讚不讚他人此諸衆生以自高輕他故於三

惟  
李頌王

五

惡道無量千歲受諸苦毒過無量千歲已於彼命終生畜生趣作牛馬駝驢鞭杖捶擊飢渴逼惱身負重擔隨路而行若生人道常居下賤爲人奴婢受他駝役若昔人中聞彼世尊藥師琉璃光如來名号者以此善報衆苦解脫諸根猛利聰慧博識恒求善本得與良友常相隨逐能斷魔胃破無明殼竭煩惱河解脫一切生老病死憂悲苦惱

復次曼殊室利有諸衆生好喜乖離更相鬪訟此等互起惡心衆生身口及意恒作諸惡爲欲相損各各常以無益相加或告林神樹神山神冢神種種別神殺諸畜生取其血肉祭祀一切夜叉羅刹食血肉者書怨人字并作其形成就種種毒害呪術戕魅蠱道起尸鬼呪欲斷彼命及壞其身由聞世尊藥師琉璃光如來名号故此諸惡事不能傷損皆得互起慈心益心無嫌恨心各各歡悅更相攝受復次曼殊室利此諸四衆比丘比丘尼優



婆塞優波私及餘信心善男子善女人等受  
八分齋或復一年或復三月受持諸戒以此  
善根隨所喜樂隨所願求若欲往生西方極  
樂世界阿彌陀如來所者由得聞彼世尊藥  
師琉璃光如來名号故於命終時有八菩薩  
乘空而來示其道徑即於彼界種種異色波  
頭摩華中自然化生若復此人欲生天上即  
得往生本昔善根無有窮盡不復更生諸餘  
惡趣天上命盡當生人間為轉輪王四洲自  
在安立無量百千俱知那由他衆生於十善  
業道或復生於刹利大族婆羅門大族居士  
大家金銀粟帛倉庫盈滿形色具足自在具  
足眷屬具足勇健多力如大力士若有女人  
得聞說此如來名号至心受持此人於後永  
離女身  
尔時曼殊室利童子白佛言世尊我於後時  
以彼世尊藥師琉璃光如來名号於信心善  
男子善女人所種種方便流布令聞乃至睡  
惟李願王

中亦以佛名覺寤其耳若受持此經讀誦宣  
說或復為他分別開解若自書若令人書若  
取經卷五色淨綵以盛裹之灑掃淨處以安  
置之持種種華種種香塗香華鬘寶幢幡蓋  
而用供養尔時四大天王與其眷屬并餘百  
千俱知那由他諸天皆詣其所若此經卷流  
行之處若復有人誦持此經以得聞彼世尊  
藥師琉璃光如來名号及本昔所發殊勝大  
願故當知是處無復橫死亦復不為諸鬼所  
持奪其鬼鬼設已奪者還復如故佛言如是  
如是曼殊室利如汝所說曼殊室利信心善  
男子善女人若欲供養彼如來者此人應作  
如來形像七日七夜受八分齋食清淨食於  
清淨處散種種華燒種種香以種種繒綵種  
種幡幢莊嚴其處澡浴清潔著新淨衣應生  
無垢濁心無怒害心於一切衆生起利益心  
慈悲喜捨平等之心鼓樂歌讚右繞佛像應  
念彼如來本昔大願并解釋此經如所思念

如所願求一切所欲皆得圓滿求長壽得長壽求福報得福報求自在得自在求男女得男女或復有人忽得惡夢或見諸惡相或恠鳥來集於其住所百恠出現此人若能以種種眾具供養恭敬彼藥師琉璃光如來者一切惡夢惡相不吉祥事皆悉隱沒或有水怖

惟本願經

七

火怖刀怖毒怖懸險之怖惡象師子虎狼熊羆毒虵惡蠍蜈蚣蚰蜒如是等怖憶念供養彼如來者一切怖畏皆得解脫若他國侵擾賊盜反亂如是等怖亦應念彼如來恭敬尊重復次曼殊室利若有信心善男子善女人乃至盡形受三歸依不事餘天或持五戒或持十戒或持菩薩一百四戒或復出家受持比丘二百五十戒若比丘尼受持五百戒於隨所受中毀犯禁戒畏墮惡道若能供養彼世尊藥師琉璃光如來者決定不受三惡道報或有女人臨當產時受於極苦若能稱名供養彼世尊藥師琉璃光如來者速得解脫

所生之子身分具足形色端正見者歡喜利根聰明安隱少病無有非人奪其龜龜  
爾時世尊告慧命阿難言阿難如我稱揚彼世尊藥師琉璃光如來所有功德汝信受耶汝於如是諸佛如來甚深境界多生疑惑時慧命阿難白佛言大德世尊我於如來所說法中無復疑惑何以故一切如來身口意行無不清淨世尊此日月有如是大神通有如是大力可令墮落須彌山王可得移動諸佛所言無有差異大德世尊或有眾生信根不具聞說如來佛境界已作是思惟云何但念彼如來名獲爾許功德心不信受生於誹謗此等長夜無義饒益當墮苦趣佛言阿難若彼如來所有名号入其耳中此人墮惡道者無有是處阿難諸佛境界誠為難信汝今信受應知皆是如來威力非一切聲聞辟支佛地所能信受惟除一生補處菩薩摩訶薩阿難人身難得於三寶中信敬尊重亦難可

得聞彼如來名号倍難於此阿難彼世尊藥師琉璃光如來無量菩薩行無量諸巧便無量曠大願我欲一劫若過一劫說彼如來菩薩行願乃至窮劫說彼世尊藥師琉璃光如來本昔所行及殊勝大願亦不究盡

尔時衆中有菩薩摩訶薩名曰救脫即從座惟本願王

起偏露一臂右膝着地向婆伽婆合掌曲躬白言大德世尊於未來世當有衆生身嬰重病長患羸瘦不食飢渴喉膺乾燥死相現前目無所見父母親眷朋友知識啼泣圍遶其人尸形卧在本處闍摩使人引其神識置於闍摩法王之前此人背後有同生神隨其所作若罪若福一切皆書盡持授與闍摩法王時闍摩法王推問其人筭計所作隨善隨惡而處分之若能爲此病人歸依彼世尊藥師琉璃光如來如法供養即得還復此人神識得迴還時如從夢覺皆自憶知或經七日或二十一日或三十五日或四十九日神識還

已具憶所有善惡業報由自證故乃至失命不造惡業是故信心善男子善女人應當供養藥師如來

尔時慧命阿難問救脫菩薩言善男子應云何供養彼世尊藥師琉璃光如來也救脫菩薩言大德阿難若有患人欲脫重病當爲此

人七日七夜受八分齋當以飲食及種種眾具隨力所辦供養比丘僧晝夜六時禮拜供養彼世尊藥師琉璃光如來四十九遍讀誦此經然四十九燈應造七軀彼如來像一一像前各置七燈一一燈量大如車輪或復乃至四十九日光明不絕當造五色綵幡長四十九尺惟本願王

復次大德阿難灌頂刹利王等若災難起時所謂人民疾疫難他方侵逼難自界反逆難星宿變恠難日月博蝕難非時風雨難過時不雨難尔時此灌頂刹利王當於一切衆生起慈愍心救諸繫閉依前所說供養法式供

養彼世尊藥師琉璃光如來時灌頂利利王  
 用此善根由彼世尊藥師琉璃光如來本昔  
 勝願故其王境界即得安隱風雨以時禾稼  
 成就國土豐熟一切國界所有衆生無病安  
 樂多生歡喜於其國界亦無夜叉羅刹毗舍  
 闍等諸惡鬼神擾亂衆生所有惡相皆即不  
 現彼灌頂利利王壽命色力無病自在並得  
 增益

尔時慧命阿難問救脫菩薩言善男子云何  
 已盡之命而可更延救脫菩薩言阿難汝豈  
 不聞如來所說九橫死耶是故教以呪藥方  
 便或有衆生得病非重然無醫藥及看病入  
 或復醫人療治失所非時而死是爲初橫第  
 二橫者王法所殺第三橫者遊獵放逸姪醉  
 無度爲諸非人害其鬼鬼第四橫者爲火所  
 燒第五橫者爲水所溺第六橫者入師子虎  
 豹諸惡獸中第七橫者飢渴所困不得飲食  
 因此致死第八橫者厭禱毒藥起尸鬼等之

所損害第九橫者投巖取死是名如來略說  
 大橫有此九種其餘復有無量諸橫

尔時衆中有十二夜叉大將俱在會坐所謂  
 宮毗羅大將 跋折羅大將 迷佉羅大將  
 安捺羅大將 安涅羅大將 摩涅羅大將  
 因陀羅大將 波異羅大將 摩呼羅大將

真達羅大將 招度羅大將 鼻羯羅大將

此等十二夜叉大將一一各有七千夜叉以  
 爲眷屬皆同一聲白世尊言我等今者蒙佛  
 威力得聞世尊藥師琉璃光如來名号已不  
 復更有惡道之怖我今相與皆同一心乃至  
 壽盡歸依佛歸依法歸依僧皆當荷負一切

衆生爲作義利饒益安樂隨於何等村城聚  
 落阿蘭拏處若流布此經若復持彼世尊藥  
 師琉璃光如來名号親觀供養者我等眷屬  
 衛護是人皆使解脫一切苦難諸有所求悉  
 令滿足尔時世尊讚諸夜叉大將言善哉善  
 哉大夜叉將汝等若念彼世尊藥師琉璃光



如來恩德者當念饒益一切衆生

尔時慧命阿難白佛言世尊此經何名云何

奉持佛言阿難此法門者名為藥師琉璃光

如來本昔所發殊勝大願當如是持名為十

二夜叉大將自誓當如是持名為淨一切業

障當如是持時婆伽婆說是語已諸菩薩摩

訶薩諸大聲聞國王大臣婆羅門居士及一

切大衆阿脩羅捷達婆等聞佛所說歡喜奉

行

佛說藥師如來本願經

惟一

序音

穰災正作穰融余弓糅豆救反糅紕上足縲反下

駮幼反紕紕縲縲也紕指定上苦解上書反紕笈其法其師業反名

馭御懲澄貽余之反

經

瑕垢上音遐也跛上躄反必行我反下必也背下偃武反於

稠林多上直留反也蚊上蚩上音文反下駝音二同聲反

穀穀反三同苦角也澡音洗早蠍毒能螫反尾有燥相老

反蝕侵日月之神救救舍上同非拏反加

奉

三寶弟子呂頤正書寫此經祈求保扶  
父子茂疾病消除福壽增延者